

R Qui in me, ait Dominus Joseph, speraverit,* liberabo eum et super aspidem et basiliscum ambulavit. ⁊ Et conculcabit leonem et draconem.— Liberabo....

LECTIO III.

Plenus gratia et fortitudine in tribulationibus suis

Nihil dubium est quin Joseph fuerit plenus gratiis et favoribus coelestibus et divinis propter gratiam suae immaculatae conceptionis; sed praeterea certissimum etiam habetur illum omnes tulisse dolores, poenas et aerumnas, tamquam plenus gratia et fortitudine in omnibus tribulationibus suis. Frequenter solet divina bonitas ita suos electos tractare, ut pariter gustent gaudiis et laboribus, aliquando torqueantur, et alia laetitibus abundant; itaque tam frequenter ad Calvarium ascendunt, quam ad Taborem. Similiter accidit Josepho, et post eius conceptionem immaculatam perfecte novit omnia, quae a Deo acceperat, ac proinde perfruitus est innumera dulcedine, reddens omnia illi, a quo acceperat, nempe, Deo. Quae omnes gratiae, privilegia, et beneficia, tot ac tales fuerunt, ut simul ac annis proficiebat, augebantur in corde suo virtutes et gratiae omnes apud Deum et homines, omniaque illius verba, cogitationes et opera omnem habebant perfectionem, quae ei Virginali Christi parenti decebat; ac ideo per omne tempus vitae versatus est tum summis doloribus, tum gaudiis immensis. Propterea, si accepit summum dolorem se videns virginalem Jesu parentem, summo affectus fuit etiam gaudio, cum ab angelo novit se esse Patrem Jesu affectu et auctoritate. Amemus ergo Joseph, ut ille nos doceat amare Deo et pati pro eius amore.

Nos haec sublimia, &c.

R Deo gratias.

R Quoniam in me speraverunt duae meae familiae dilectae,* libera bo eas, eripiam eas, et glorificabo eas. ⁊ Longit udine dierum adimplebo eas, et ostendam illis salut are meum. Liberabo....

—DIA 7 DE ABRIL.—

LECTIO I.

—EX DOCTORIBUS.—

Jam ab aeterno loca illa dexteræ et sinistrae immutabili Dei decreto, Mariae et Joseph a Deo Patre destinata erant.—*Cart.*—Sanctus Joseph fuit maritus beatæ Virginis et Pater Christi, uti jam ostendi: fuit ergo caput et superior tam beatæ Virginis Mariae quam Christi ut homo est.—*Corn.*—Missalis musarabicus missam habet de Sancto Josepho, totam propriam et singularem sub hoc Introitu: *Laudem Domine loquitur os meum, et gloriam nomini sancto eius; quia mirificavit Sanctum tuum Joseph, Virginis Matris Christi Sponsum.*—*Ecclæ Tol.*—In ipso calendario vero, Festum notatur in sex cappis, quae solemnitas est summa, celebrandum.—*Ecc. Tol.*

Nos haec sublimia, &c.

R Deo gratias.

R Festa coelebrabuntur ad divinum Josephum debite honorandum.*Et ei vota vovent et solvent omnes populi. ⁊ Et maxime nostrum Institutum ad suam gloriam revera erectum. Et....

LECTIO II.

*Dominus S. Joseph omnis universalis Ecclesiae
—protector est.—*

Potentissime Joseph, tu qui praeter gloriosa merita propria, in tuis habes manibus efficacissimam intercessionem tuae purissimae coniugis Mariae ac sacratissimi cordis Filii tui Jesu, exaudi propitius preces filiorum tuorum, easque Altissimo benignus offer ut placata divina justitia, cessare faciat persecutionem adversus Ecclesiam eiusque Pontificem. Maria et Jesus in Nazareth tibi obediebant, tuaque praecepta perfectissime obtemperabant. Eis igitur nunc dicas, Pater, precamur, Ecclesiam tibi fuisse commissam, te non posse pati quod continuo eam videas factam esse ludibrium Satanae eiusque ceteræ, ac etiam quod Pontifex gemit et tuum implorat auxilium, quibus precibus resistere non possis. Id dicas, S. Joseph, instes, imperes, ac continuo obtemperaberis, quoniam tua auctoritas paternalis, numquam fuerit derogata. Te demum, Joseph, precamur, ut implores efficacia auxilia pro tuis omnibus filiis ac filiabus Iosephinis, ut serventur, crescant et multiplicentur ad suffragandas huius temporis necessitates, ut videant tirocinia pietate ac devotione ferventia, ut scholastici sint pleni scientia et sapientia, ut innumeras habeant domus in Dei Ecclesia, quae omnes simul laborent tam pro Dei honore et gloria, quam ad te laudandum et benedicendum.

Nos hæc sublimia, &c.

R Deo gratias.

R Sicut oculi servorum in manibus dominorum

suorum, ita oculi nostri ad Dominum S. Josephum.
*Miserere nobis, bone Joseph, miserere nobis. V
Protector noster aspice et respice super servos tuos.
Miserere....

LECTIO III.

*Joseph iter faciens ad præsentationem Jesu,
ostendit se esse immaculatum.*

Post dies quadraginta a natiuitate Pueri Jesu, Altissimus eum poposcit; Joseph prompte proficiscitur Jerusalem cum duabus turturibus ad illum offerendum, tamquam Primogenitum Sacrae Familiae et victimam offerendam ad redemptionem humani generis. Quam magnus est Joseph in hoc mysterio! quam optime ostendit esse immaculatum! ipsi quoque angeli eum adorant, laudant et glorificant. Maria purior coelestibus luminibus, in purificatione apparet quaedam Mater quæ in peccato concepit, et Joseph, similimus Mariae et virginalis Jesu Pater, ostendit esse quemvis parentem. Maria, paratis omnibus ad iter necessariis, ad Sponsi dictum, accedit ad cunabulum, adoravit Deum caro factum, brachiis sinuque fovit et abiit ad Jerusalem. Quam magnus est Joseph, immaculatum omnino se profitetur! Ad eius imperium solemnis post hominum memoriam processio fit terris. Millia millium angelorum surgunt eosque comitantur canes omnes gloriam et altitudinem Verbi Incarnati, et privilegia virginalium eius parentum Mariae et Iosephi. Adoremus igitur Sacram Familiam Jesum, Mariam et Iosephum, et per infinitam eorum cordis munditiam, similem gratiam ambabus familiis castissimi Patriarchae imploremus.

Nos hæc sublimia, &c.

R. Deo gratias.

R. Domine Joseph, non secundum peccata nostra, quae fecimus nos iudices. *Bone Joseph, ne memineris iniquitatem nostrarum antiquarum. ¶ Miserere nobis quia pauperes facti sumus nimis. Bone Joseph....

—DIA 8 DE ABRIL.—

LECTIO I.

—EX DOCTORIBUS.—

Intra alia de Sancto Josepho circa annum 1250, hæc oratio inventa est: Domine Jesu Christe, æternaliter Deus de Deo, et ineffabili humilitate temporaliter homo factus est de Virgine, qui Sanctum Josephum beatæ Mariæ Matri suæ, Virginem Virgini desponsari, et humilem humili sociari voluisti, et eum de parvo magnum, de humili excelsum, multis virtutibus, et magnis honoribus augmentatum mirabiliter sublimasti: da nobis quæsumus, ejus exempla, meritis et præcibus, cum cordis et corporis munditia, veram humilitatis virtutem nobisque in humilitate fundatis; da fidei, spei, et charitatis omniumque virtutum augmentum: ut per virtuosa merita, gloriosa secum præmia consequi valeamus.—*Ec. Belg.*

Nos hæc sublimia, &c.

R. Deo gratias.

R. Aperiet Dominus aures nostri intellectus. *Et filii nostri magni Instituti. ¶ Scrutabuntur interiora Dei dona abscondita in Sancto Josepho et invenient thesaurum optimum. Scrutabuntur....

LECTIO II.

*Puer Jesus a Patre suo Josepho, Altissimo
—est præsentatus.—*

Immediate ac pervenerunt Jerusalem castissimi

coniuges, Joseph censet ire in templum, Maria sustinet gressum ad locum ubi ceteræ mulieres, genuflectit in spiritu humilitatis, Deum adorat, ac simul se cum eius Filio Altissimo offert: Joseph pariter afflatus quodam impulsu divini Spiritus ac plenus gaudio et divina luce, ad nihilum pene se prosternit, adorat Altissimum, ac demum sumit in manibus Filium suum, Unigenitum Æterni Patris et offert ad humani generis redemptionem. Hoc ipso momento, afflatu quodam divino impulsu senex Simeon ingreditur templum; accedit ad Sacram Familiam, sustulit manibus Puerum Jesum ac plenus prophético spiritu, agit Deo gratias ob maximum favorem ei concessum et cecinit illud mysteriosum canticum: *Nunc dimittis.* Joseph et Maria summo gaudio referti, profundissima obruuntur tristitia, ad hæc verba Prophetæ: *Hic per positus est ad ruinam et resurrectionem multorum in Israel quod erit gladius doloris, qui tuum cor pertransibit.* Sic ait senex Simeon et benedixit Joseph et Mariæ, qui Puerum ei obtulerant.

Nos hæc sublimia, &c.

R. Deo gratias.

R. Amen, amen dico vobis, ait Joseph, *Quod uni ex filiis meis minimis fecistis, mihi fecistis. ¶ Venite, benedicti meae potentissimæ protectionis, possidete paratam vobis protectionem meam. Quod....

LECTIO III.

Animam S. Josephi pertransivit gladius.

Magnus successus purificationis et præsentationis Jesu in templo, Simeonis prophetia, ejusque mirabile canticum magna continebant mysteria quae intus aperta fuere D. Josepho, qui vidit veluti in limpido

speculo vitam, passionem et mortem eius Filii Jesu; propterea ab illo instanti gladius acerbissimi doloris suam pertransiuit animam. Divinus Joseph post Mariam melius quam ceteri homines intellexit magna mysteria redemptionis, infinitas Jesu Christi poenas, hominum ingratitude, maximamque daemonium malitiam; idque omne modo perfectiori et profundissimo cognovit, ut ab illo tempore per triginta annos eius vita nihil aliud fuit nisi perennis cruciatus. Fieri enim solet ut, cum aliquis mortalis aliquod egregium opus perficit pro Dei amore, ipse accipit a divina sapientia magnum tribulationum cumulum; sic D. Joseph, qui cum Deo in hoc mysterio redderet infinitum donum omnino divinum, proindeque illi par, ille nulla mora a divina bonitate compensationem meruit, gladius, scilicet, mystoriosus eius cor petransiuit, cuius vulnus toto suae vitae tempore vivum perduravit, donec ivit requiescere in sinum Abrahae. Sanctissime Joseph, fac, quaeso, ut cognoscamus quo maiores fuerint poenae et tribulationes filiorum tuorum, eo maius et abundantius praemium accipiemus. Quantum enim differt haec philosophia ab humana scientia! Homines quidem solum cognoscunt suae vitae tempus, Deus vero est aeternus.

Nos haec sublimia, &c.

R Deo gratias.

R O bone Joseph, tu refugium factus es nobis filiis tuis a generatione et progenie in saecula saeculorum. *Dirigatur oratio mea sicut incensum in conspectu tuo. V Elevatio manuum mearum sacrificium vespertinum. Dirigatur....

LECTIO I.

—EX DOCTORIBUS.—

Philipus Spirinensis antistes concessit (1507) celebrare festum de Sancto Josepho, in cuius officio tam ex Evangelio quam ex approbatis sanctorum sententiis hanc orationem invenies: Omnipotens sempiternus Deus, qui Sanctum Josephum Filio tuo nutricium et alumnum, Matrique suae fidelem custodem, ut ejus uterque curare levaretur, et Providentia eligere dignatus est: tribue quaesumus, nos in ejus festivitate spirituali cibo refici, et suis apud te precibus, perpetuam tui custodiam et gratiam qua salvemur impetrare.—*Ec. Spir.*

Nos haec sublimia &c.

R Deo gratias.

R Sancti Novi Testamenti a Christo dicti sunt amici. *Joseph vero Pater ab eo vocatus est. V Sancti mundi reginam coluerunt ut Dominam suam, Joseph eam dilexit ut suam Sponsam. Joseph....

LECTIO II.

*Quotidie magis pertransiuit gladius Joseph,
quia magis dilexit.*

D. Joseph postquam obtulerit eius divinum Filium Aeterno Patri, quam quam ipse exterius tranquillus appareret, interius tamen magna fuerat affectus mutatione, ab illo enim instante, quo gladius doloris suum cor perfodit, tenerrimo et ardentissimo amore prosequeretur divinum Puerum et castissimam Matrem. Si autem lex naturalis est, obiecti dilecti dolorem vehementius augere amorem erga illum, sic Joseph quotiescumque Jesum et Mariam conspicie-

bat, sagitta quædam suum cor fodebat, ac veluti gutta olivea procidebat in ignem incensum sui cordis. Amemus igitur, honoremus et glorificemus Patrem nostrum Joseph. ita ut omnis eum creatura per utramque Iosephinam familiam laudet, honoret et glorificet. Sed Joseph utrum in secessione in Nazaret potuerit omnino vacare ad contemplandum doloris obiectum? Ne hoc quidem solatium ei dabitur, eius namque vita multis versabitur difficultatibus, innumeris vigiliis ac tenaci labore quotidiano, eius manus continuo laborare debebunt, membra sunt defatiganda ad obtinendum hoc modo victum Sacræ Familiæ. Quid sunt pœnæ nostræ præ Josephi ærumnis? quid labores nostri illius sudoribus collati? Ferventius Deum exoremus ut aliquantulum noscere possimus infinitas Josephi ærumnas et calamitates.

Nos hæc sublimia, &c.

R Deo gratias.

R Tribulationes cordis mei, o bone Joseph, dilatata sunt, de necessitatibus meis eripe me.*Vide humilitatem meam et laborem meum. ¶ Dimitte per tuam gratiam omnia peccata mea, quia in te confido et non erubescō. Vide....

LECTIO III.

Fulcite me floribus, quia Jesu languéo amore.

Gladius doloris a Simeone prædictus B. Virgini nuntiavit illam interfuturam Jesu passioni et in Calvario esset humani generis corredemptrix; et ipse acutus gladius Josephi cor pertransivit adeo ut in ipso, Jesu passio et tormenta penitus defigerentur et valde illum contererant ita ut nobis filiis suis fidelissimis devotis sic aieret; Fulcite me floribus, quia Jesu languéo amore. A coelesti et divina charitate

Bethlehem se vidit Joseph inopinate inter Calvarii tenebras. Ab illo die omnes Jesu actiones erant novæ pœnæ Josephi, minimumque gaudium in mare amarissimum vertebatur, ita ut quidquid in Jesu viderit eius passionis memoria sibi esset, et ad omnes Jesu intuitus et verba illius ante oculos versabantur terribiles Calvarii pœnæ ut si tunc acciderent. Quum Jesus teneras ad illum manus tendebant, amarissima replebatur tristitia Joseph, eas videns catenis vinctas et acutis tranfixas clavis; quum ridens Jesus paternas quaerebat blanditias. Joseph videbat esse oculos Jesu languidos et moribundos, vultum sanguine ac sputis madentem et corpus dilaniatum. Supplicium Josephi erat perpetuum quia suas pœnas patefacere posset, ne atrociores dilecto suo Jesu redderentur. Exoremus ergo Joseph ut non modo nostras pœnas medeatur; sed patientiam ad eas ferendas non concedat.

Nos hæc sublimia, &c.

R Deo gratias.

R Etenim universi filii tui, qui in te confident, non confundentur.*Confundantur omnes inimici nostri facientes mala. ¶ In te, bone Joseph, confido, irrideant me inimici mei. Confundantur....

—DIA 10 DE ABRIL.—

LECTIO I.

—EX DOCTORIBUS.—

Mediolanensis Ecclesia secundum liturgiæ ambrosianæ ritum, proprium cani de Sancto Josepho præfationem in hunc modum. Vere..... nos tibi..... per Christum Dominum nostrum; cujus sacræ incarnationis beatus Joseph alumnus et altor esse meruit,

ex ab eo laborum suorum præmia sempiterna percepit. Cujus apud te meritis adjuvari confidentes, tuam humiliter deprecamur clementiam, ut qui ei tanti meriti contulisti prærogativam, ut eidem Unigenito tuo divinitus et humanitus specialiter deserviret, nos ejus et exemplis informes et suffragiis consoleris. Per quem Majestatem tuam. . . — *Eccle. Mediol.*

Nos hæc sublimia, &c.

R Deo gratias.

R Benedicite omnes creaturæ nostrum divinum Josephum. *Ut benedictionibus repleamini. ⁊ Qui enim benedixerit tibi erit et ipse benedictus; qui maledixerit tibi, in maledictione reputabitur. Ut benedictionibus. . .

LECTIO II.

Joseph virginalis Pater, et Jesus eius Filius.

D. Joseph virginalis Jesu Pater et verum ac perfectum exemplum Sanctæ Infantiae, est verissima imago tenerrimi amoris, quo nos filios suos diligit, ita ut dicere possimus nos ex suo purissimo corde natos fuisse. Vita Josephi cum Maria nihil aliud fuit nisi congeries innumerabilium officiorum erga Verbum Incarnatum, quæ non modo illum super omnia existentia posuere, verum etiam facultatem dedere ut illos sibi subiiceret. Qua mirabili sanctitate præditus esse debuit! Eius vita altior exstitit coelis, et tamquam imago perfectissima Æterni Patris, eius officia sublimiora ipsis Thronis fuerunt. Quam magnus est Joseph Jesu Pater! quanta illius gloria præsertim cum se vocare Patrem a Jesu audiret. In hac tanta gloria Joseph fuerat vocatus, ut occulte viveret cum Deo, ut sua fulgida luce sese absconderet

ut tantummodo Dei iussis obtemperarit, ut fungeret Dei locum et viveret pro Jesu. Joseph tamquam sacerdos divini Jesu qui ipse Deus erat custodiendus, reverenter tractandus, et qui omnem venerationem Jesu tribuere debebat est perfecta imago omnium gratiarum quas ille suis Filiis impertiri dignabitur. qui ut familia eiusdem prædilecta ab illo erimus custodiendi, vigilandi, benedictionibus implendi, sua potentissima gratia ditandi ut aliquando eius amoris aptioris ministri fieri possimus, qui enixe curabimus ut magis magisque ille ab omnibus cognoscatur tamquam immaculatus in sua mundissima conceptione.

Nos hæc sublimia, &c.

R Deo gratias.

R Meditabor, o bone Joseph, in mandatis nostrarum regularum, quæ dilexi valde,*et levabo manus meas ad mandata tua. ⁊ Intellige clamorem meum, intende voci orationis meæ, quoniam semper ad te orabo. Et levabo. . .

LECTIO III.

Salvator Jesus a Salvatore Josepho est salvatus.

Inter eas notas quæ præcipue D. Josephum elevant, præminentior habetur, quod fuerit salvator Filii sui Jesu, propter quod eius gloriosa et immaculata vita oppressa fuit continua ac terribili anxietate quamvis exempta ab inquietudinibus. Joseph autem vidit idolatras ægyptios in crudelibus et inhumanis hominibus Bethlehem, ac quum perfecte novit, se esse unicum murum ad defendendum Puerum et Matrem, mortali fuit affectus anxietate, quæ cum illum sanctissimum faceret, tum etiam quidquid humanum ab eo sejungerat. Joseph veluti

Jesu Pater, fugit cum Filio et Matre, eos ab Herodis furore salvos facit, et ab illo tempore, Jesum continuo fert in suo corde simulque onerosam omnium dolorum crucem ac illam quoque divini amoris, hic enim tantummodo illi vitam abripere potuit. Excellentius demum admirabilis vocationis Josephi, est Jesum salvare, et cum Jesum salvat fit requies inter anxietates, teneritudo inter stupenda mysteria; cordis tranquillitas cum dolenda sensibilitate, intima conscientia servata ad continuam immolationem, prompta docilitas in tranquillitate naturali, perpetua dulcedo inter terribiles dolores, ac demum suus erat Jesus mundi Salvator ab ipso salvandus. Oremus igitur Joseph ut nos filios suos a peccato salvos faciat.

Nos hæc sublimia, &c.

R Deo gratias.

R Confessio et pulchritudo in conspectu omnium filiorum tuorum.*Sanctitas et magnificentia et gloria in sanctificatione sua. V Cantate Domino Josepho canticum novum, cantate Domino Josepho omnis terra. Sanctitas....

—DIA 11 DE ABRIL.—

LECTIO I.

—EX DOCTORIBUS.—

Concede, quæsumus omnipotens Deus, ut intercessionem beati Josephi, confessoris tui, qui Pater Domini nostri Jesu Christi in terra vocari dignus inventus est; et vir gloriosæ semperque Virginis Mariæ, non coinquinatione carnis, sed tamen maritus nomine appellatus est, ab omnibus adversitatibus liberemur. (En 1490.)—*Ec. Rom.*—Deus qui fidelissimo

Patriarchæ Joseph, incomparabilem thesaurum tuæ genitricis beatæ Mariæ semper Virginis servandum tradidisti: cuique pro speciali prærogativa meritorum, temetipsum filium tradidisti: ipsius nobis tribue meritis et precibus terrena despiciere, et corda nostra tibi casta tabernacula præparare.—*E. Veneci.*

Nos hæc sublimia, &c.

R Deo gratias.

R Propter cognitam bonitatem Filii Dei.*Qui nostrum divinum Josephum Patrem vocare dignatus est V Et sic qui benedixerit Sancto Josepho omnibus benedictionibus replebitur. Qui....

LECTIO II.

Nos a Domino S. Josepho salvati sumus.

Quamvis hisce nostris temporibus omnes christianæ familiæ consecrari debent Sacræ Familiæ Jesu, Mariæ et Josepho, augustæ terræ Trinitati; sed debemus præcipue ad Josephum accurrere qui huius divinæ Familiæ dux est, eumque quam optime imitari et illum invocare ad omnia feliciter assequenda, quod et munus maxime proprium est nobis qui privilegiam eius familiam efformamus, eo vel magis quo ille nos semper salvavit in multis magnisque periculis, quibus sumus versati. Diligamus ergo Joseph, veniamus ad Joseph, oremus eum omnique in eo fiducia posita iterum repetamus: Nos a Domino Patre nostro Josepho salvati sumus. Utinam ita faceremus! qua maneremus tranquillitate! quanta dulcedo e nostris efflueret labiis! quanta frueremur pace! Nec aliter accidere poterat, nam solum propter Josephum essemus. Amemus ergo Joseph, eumque ita honoremus, laudemus et glorificemus ut vero conemur ut omnis illum creatura honoret, laudet et.

glorificet. Quum sic operemur, tunc accrescet in nobis desiderium ad eum imitandum, tunc pacifici apud Deum stabimus, eiusque voluntati nos omnino subiiciemus, in pace cum proximis erimus, eorum defectus feremus, nostras vincemus cupiditates, et omnino Josephum imitantes, eum ut a Deo Salvatorem nobis constitutum accipiemus.

Nos hæc sublimia, &c.

R Deo gratias.

R Custodi me, Pater noster Joseph, ut pupillam oculi, et sub umbra alarum tuarum protege me.*De vultu suo iudicium meum prodeat. ¶ Et immittet Angelum suum in circuitu nostrum filiorum suorum. De vultu....

LECTIO III.

Nos sumus in Ecclesia propter magnum Josephi miraculum.

Magnum quidem est Josephi miraculum nostra existentia et conservatio in Ecclesia Dei, nam ipse quum hoc prodigium faciebat tum etiam nobis multa opera bona poscebat. Filiabus Mariæ et Josephi exemplum, datum est in virtutibus Dei genitricis et quemadmodum in terris hæc divina Virgo enituit amore paupertatis, castitatis et obedientiæ, studio in laboribus, zelo propter animarum salutem, et ardentissima charitate, qua animam suam puram immaculatamque Deo omnino reddebat; sic etiam Filiabus Mariæ ac Josephi curandum maxime est ut in praxim earum regulas adducant, adeo ut sint exempla abservantiæ, tunc enim a Josepho fiet magnum prodigium, ut sint, nempe, in Dei Ecclesia. Missionarii Iosephini colere debent submissionem, obedientiam et amorem Jesu erga purissimam Ma-

riam, et virginem Josephum, quum enim omnia ea munera in regulis inclusa perfecte fungantur, Joseph in eorum profectum illis magnum prodigium efficiet, id est, ut vere existant in Ecclesia Dei. Sacerdotes demum Iosephini attente inspicere debent vitam, labores, dolores et gaudia SS. Patriarchæ, et tunc quam maxime conari, ut norma eorum vitæ desumatur ex nostris regulis, sacris votis et propriis nostris virtutibus, ex simplicitate, nimirum, humilitate et zelo salutis animarum, quæ comitandæ etiam sunt mansuetudine et mortificatione tam exterius, quam interius; sic autem pro nobis fiet magnum Josephi miraculum.

Nos hæc sublimia, &c.

R Deo gratias.

R Intret oratio mea in conspectu tuo, bone Joseph, et inclina aurem tuam ad precem meam.*Adiuva nos filios tuos, potentissime Joseph. ¶ Propitius esto, nequando dicant inimici nostri; ubi est Joseph eorum defensor. Adiuva....

—DIA 12 DE ABRIL.—

LECTIO I.

—EX DOCTORIBUS.—

Sic in decem millibus glorificavit Dominus Josephum, et laudavit eum in benedictionibus Domini in offerendo illi coronam gloriæ. Per Josephum et non per beatam Virginem Mariam, Christus fuit hæres sceptri et solii Davidis, prout Deus Davidi promisserat. Sceptrum ergo Juda, non tantum ex Dei promissione et donatione, sed ex hæreditaria successione iure per Josephum devenit ad Jesum Christum.—*Corn.*

Pilissima

Nos haec sublimia, &c.

R Deo gratias.

R Maxime his nostris temporibus in quibus credendum est.*Deum immortalem velle Josephum in Ecclesiae militantis imperio. V Peculiaribus honoribus honorari; nostrum Institutum illum revera maxime venerari debet. Deum . . .

LECTIO II.

Quid intelligitur per immaculatam conceptionem D. Josephi.

Conceptio alicuius personae dupliciter accipi potest, vel enim est activa in qua factum est corpus; vel est passiva, et facta est a Deo, quando infunditur anima et corpus, et homo factus est in illo momento. Conceptio activa, est in qua S. Josephi parentes opere maritali invicem convenientes praestiterunt ea, quae maxime spectabant ad ipsius corporis formationem, structuram et dispositionem ad recipiendam animam rationalem a Deo infundendam. Conceptio passiva, quum rationalis anima cum corpore copulatur atque ipsa infusio animae et unio cum corpore debite formato nominatur revera conceptio passiva, quae, scilicet, fit eo ipso instanti, quo rationalis anima corpori omnibus membris ac suis organis constanti unitur. Loquendo de conceptione nostri Josephi, non intelligimus illum immaculatum conceptione activa, ut Dominus noster Jesus Christus, qui est conceptus de Spiritu Sancto ex Maria Virgine. Hac de causa dicere possumus; Unde conceptionis sanctitas? An dicitur ante sanctus esse quam esse? an forte inter amplexus maritales sanctitas se ipsi conceptioni immiscuit, ut simul et sanctificatus fuerit et conceptus? Ne hoc quidem admittit ratio. Quomodo enim

sanctitas absque Spiritu sanctificante? Aut Sancto Spiritui societas cum peccato fuit? Ergo loquendo de immaculata conceptione nostri divini Josephi, loquimur tantum de conceptione passiva, per quam homo iam factus est.

Nos haec sublimia, &c.

R Deo gratias.

R Ante conceptum sui sanctificari non potuit, quoniam non erat.*Sed nec in ipso quidem conceptu, propter peccatum, quod inerat. V Sed sanctificatus absque originali macula, in illo ipso instanti, quo rationalis anima corpori unitur. V Sed nec. . .

LECTIO III.

An noster Joseph potuit esse immaculatus —conceptione activa.—

Postquam serio cogitaverimus quid aiunt theologi de conceptione activa et passiva, et quod deformis fuisset admodum Joseph si rebelli carne fuisset formatus, et attentis magnis profectis medicinae et chirurgiae in quibus asseritur corpus eo ipso momento animatum esse quo juxta Sacros Libros dici potest, erunt duo in carne una, perspicuum videtur non existire conceptionem passivam, proindeque quaerendum est nobis quomodo Joseph fuerit immaculatus in conceptione activa. Sed quomodo fieri potest? Deus scit. Nobis videtur conceptionem activam D. Josephi esse in qua Sancti Josephi parentes, opere maritali invicem convenientes, ardentissimo Dei amore et singulari impulsu Spiritus Sancti, praestiterunt ea, quae maxime spectabant ad ipsius corporis formationem, structuram et dispositionem ad recipiendam animam rationalem a Deo infundendam; atque haec omnia facta sunt absque concupis-

centia carnis. Ergo hoc modo noster Joseph potest esse immaculatus conceptione activa: ergo revera sanctitas existere potuit in sua conceptione; ergo potuit sanctus esse cum sui esse; ergo absque complexibus libidinis maritalis sanctitas se ipsi conceptioni immiscuit; ergo simul sanctificatus fuerit et conceptus: ergo eius sanctitas fuit per Dei amorem et cum spiritu sanctificante; ergo eius conceptio fuit absque peccato, quia fuit absque libidine.

Nos haec sublimia, &c.

R. Deo gratias.

R. Totus pulcher est noster immaculatus Joseph,* et macula originalis non fuit in illo, ¶ Quia Spiritus Sanctus ambobus, id est, Mariae ac Josepho dedit Filium Unigenitum Patris Aeterni.—Et macula....

—DIA 13 DE ABRIL.—

LECTIO I.

—EX DOCTORIBUS.—

Collaudemus toto corde Dei Sapientiam,
Virgini qui junxit sorte Joseph diligentiam,
Qui nascentis sine sorde aleret infantiam,
Quem inviolatae Matris peperit integritas,
Ipsam putativi Patris aluit Virginitas,
Hostibus celatur atris hac arte divinitas.

Joseph portat, Joseph tractat, Joseph mactet osculis,
Dum Herodes parvos mactat artibus minusculis,
Joseph hunc quem virgo lactat subtrahit periculis
Puer in Aegyptum ductus Joseph ministerio,
Ab eodem post reductus Patris est imperio,
Maturescit, caeli fructus fit crucis mysterio.

—Ord. Carmelit.

R. Decet profecto ut nostrum divinum Josephum.
*Quem Christus veluti Patrem veneratus est. ¶
Nostrum Institutum suo sancto nomini consecratum
singulari reverentia omnibus modis prosequatur.—
Quem....

LECTIO II.

Josephum esse immaculatam forsitan probari potest.

Quis unquam inter devotos D. Josephi dubitare poterit quin ei denegatum fuerit maximum privilegium immaculatae conceptionis? An fieri potest quod Deus permisisset originalem maculam residere in illo homine destinato ut esset virginalis Pater pulcherrimi lillii convallium, qui et a prophetis praedictus, a gentibus spectatus, a collibus desideratus, qui demum Salvator mundi praedestinatus fuerat? An ei abfuerat potestas ut a communi peccatorum lege omnino averteret illam privilegiatam creaturam adeo illi praedilectam et qui esse debebat maius nostrae redemptionis instrumentum? Si hoc autem facere poterat, eiusque dignitati erat decorum, quod et Virgo Mater instanter postulasset, quae autem est difficultas ut credamus sic esse factum et in antecessum fuisse applicata virginali Patri, sicut et Virgini Matri, merita passionis et mortis Unigeniti Aeterni Patris, illumque omnino abstulisse ab originali macula? Utrum supponi potest quod Josepho non fuisset concessa gratia facta in favorem Jeremiae et Joannis Baptistae, ut ambo, nempe, in utero fuissent sanctificati? Ergo si Joseph est summe superior Jeremiae et Joanni Baptistae, perspicuum videtur ei fuisse datam gratiam multo superiorem, id est, conceptionem ab omni labe